

Bevanda: Grabar-Kitarović smirila antihrvatsku histeriju u BiH

Zamjenik predsjedavajućeg Savjeta ministara Vjekoslav Bevanda ocjenjuje da je posjeta predsjednika Hrvatske Kolinde Grabar-Kitarović BiH bila efikasna, ističući da je Kitarovićeva "smirila antihrvatsku histeriju u BiH".

Bevanda kaže da su izjave i gestovi hrvatskog predsjednika tokom posjete BiH uticale i na zaokret retorike političara i dijela javnosti u BiH.

"U posljednje vrijeme se, nakon poteza i izjava predsjednika Hrvatske, smišljeno stvarala antihrvatska histerija. Drago mi je što je posjeta u tom dijelu dovela do relaksacije odnosa", rekao je Bevanda za "Večernji list", izdanje za BiH.

Govoreći o izmjenama Izbornog zakona BiH i različitim političkim percepcijama na ovaj proces u BiH, on je ponovio da HDZ insistira da hrvatske predstavnike u Predsjedništvu BiH i Domu naroda treba da biraju Hrvati, a ne da im to neko drugi nameće ili određuje.

"Meni posebno smeta što se kao, eto, nama nešto daje. Nama to pripada. Hrvati su konstitutivni narod", rekao je Bevanda.

On je odbacio spekulacije prema kojima je cilj izmjena Izbornog zakona protežiranje kandidata HDZ-a da dođu na ključne funkcije u BiH.

"To uopšte nije tačno. Moći će se kandidovati ko želi, ali je važno koga će izabrati narod", poručio je Bevanda.

On je izrazio optimizam u pogledu postizanja kompromisa u BiH u vezi sa finalizacijom odgovora na Upitnik Evropske komisije, kao i u vezi sa evropskom perspektivom BiH.

Bevanda, koji je i ministar finansija i trezora BiH, vjeruje da će nedavno usvojeni Prijedlog budžeta institucija i međunarodnih obaveza BiH za ovu godinu u Predstavničkom domu Parlamentarne skupštine BiH, dobiti podršku i u Domu naroda.

On upozorava da bi što prije ponovo trebalo uspostaviti nadzor nad Obavještajno-bezbjednosnom agencijom BiH.

Prema njegovim riječima, Zakon o akcizama ima svoje puno opravdanje, jer će ubrzati izgradnju autocesta u BiH, posebno na koridoru "Pet ce", odnosno pravcu Budimpešta-Ploče. (s)

60

SHARES

[Share on Facebook](#)

- [Tweet](#)

- [Follow us](#)

- [Share](#)

- [Share](#)

-

[Share](#)

-
[Share](#)

-
[Share](#)

Date: 20-01-2018